

Predsjedavajući Predsjedništva Bosne i Hercegovine Milorad Dodik i članovi Predsjedništva BiH Željko Komšić i Šefik Džaferović primili ministra poljoprivrede i šumarstva Republike Turske Bekira Pakdemirlija

25.2.2021 16:14:44

Sagovornici su ocijenili da je bilateralna saradnja izuzetno intenzivna i uspješna, bez otvorenih pitanja i izrazili interes da se nastavi i u budućnosti. Dalje je pojačanje odnosa i unapređenje saradnje doprinijelo i posjeta članova Predsjedništva BiH zvaničnoj Ankari, na poziv predsjednika Republike Turske Recepta Tayipa Erdogana. Potpisivanje Sporazuma o saradnji na infrastrukturnim i građevinskim projektima, među kojima je i autoput Sarajevo-Beograd, doprinosi i uvrstiti već dobre bilateralne odnose. Članovi Predsjedništva BiH su izrazili zahvalnost Vladi Republike Turske i predsjedniku Erdoganu na podršci i pomoći u realizaciji infrastrukturnih i drugih projekata u Bosni i Hercegovini.

Ovom prilikom pozdravljen je Sporazum o slobodnoj trgovini između Bosne i Hercegovine i Republike Turske, koji će doprinijeti povećanju robne razmjene, a samim tim i jačanju ekonomija dvije zemlje.

Govoreći o privrednoj saradnji, istaknuta je izuzetno uspješna poljoprivredna saradnja, u ovom segmentu Bosna i Hercegovina ima suficit. Sagovornici su izrazili spremnost da podrže inicijativu za potpisivanje Memoranduma o razumijevanju u oblasti šumarstva, kako bi se dala podrška saradnji u ovoj privrednoj oblasti. Podrška je pružena i potpisivanju protokola koji će regulisati saradnju i u drugim oblastima od zajedničkog interesa, kao što je ruralni razvoj, univerzitetska saradnja, sport i druge.

Članovi Predsjedništva BiH su tokom susreta izrazili zahvalnost na aktivnom i predanom angažmanu ambasadora Republike Turske u BiH Halduna Koča na realizaciji brojnih projekata u Bosni i Hercegovini.